

Ka fiirso intaadan wax-falin ee raadi gargaarka aad heli karto sida:

- Bulshada iyo waayeello dhex-dhexaadiyayaal ah
- Qaraaba sokeeye ee dhex-dhexaadiyayaal ah
- Imaamka ama maamulaha meelaha lagu Rabbi tuugo
- Qof kuu dhow oo aad ku sir qarsato ama saaxiib
- Sharciyada Canada aqoon fican u yeelo
- Ka-talo raadso facaaga ama jiilkaaga

Cadaadis Ka-xuroow

www.blainn.cc/abuse-free

Kani waa koox online iskooda isu tageera si aay uga soo kabsadaan cadaadis kaga yimaad lamaanaha ay ka midka yihiin.

Ururka La-taliyayaasha Ragga Cadaadiyaha Ah ee B.C.

1 (800) 360-8315

Kani waa xiriirka la-taliyayaasha la shaqeeya ragga ku ah cadaadiye calaaqaadka ay la leeyihiin dadka.

CAMH Xarunta Mukhaadaraadka & Caafimaadka Maskaxda

1 (800) 463-6273 / www.camh.net

John Howard Society of Canada

1 (613) 384-6272 / www.johnhoward.ca

Kani waa hay'ad macaash la'aan ku shaqeeya waxayna laama ku leedahay Canada oo dhan. Mabda'a hay'addani waa inay caawinto ragga qaankaarga ah ee dhibaataada ka hay-sato sharciga iyo/ama aay soo hayso qatarta.

Caddeyn: Warsidahan wuxuu xambaarsanyahay oo keliya macluumaad guud ee ma aha mid beddeli kara tala-bixin sharci ah ee khuseeya xaaladda aad ku sugantahay.

Mashruucan waxaa si sharaf leh u maalgeliyay Citizenship and Immigration Canada

Citizenship and Immigration Canada ayey sharaf u tahay curinta brojetkani.



Family Service Toronto waxay uga mahad celinayasaa wax wada-qabadki aay bulsha ahaan la wadaageen Rexdale Women's Centre ee Toronto iyo North Star Immigration Consulting ee Ottawa.



PHOTOGRAPHY:
FATAH MUSE
USED UNDER A CREATIVE COMMONS LICENSE.

SOMALI MEN

Haddaan ogaan lahaa keliya... ma noqdeen nin dhibaataada sii-wada

Rag kala hadlaya rag kale is-dhibaateynta qoyska



Akhri si aad u aqoon kororsato...

warsidahan wuxuu kuu suurta gelinaya inaad hesho macluumaad iyo tab aad uga hor tagto is-dhibaateynta qoyska.

Bulsho Soomaaliyeed ayaa u soo diyaariyay warsidahan bulshadooda Soomaaliyeed iyagoo kaashaday wada shaqeyn iyo munaaqashooyin ahmiyad leh iyo u kuur galid macluumaadka shabakadda intarneet-ka Caddaalad Canada (Canada Justice).

Ma dhibaateysaa dadka aad jeceshahay?

Dhibaato miyaad kala kulantaa in aad ula qabsato hab nololedka Canada?

Is-af-garashowaa miyaa idin dhexmara adiga iyo xaaskaaga?

Tusaale wanaagsan miyaad u tahay carruurtaada?

Baqdin miyaa kaa haysata inaad lumiso qoyskaaga?

Warsidahan wuxuu xambaarsan yahay warbixin ku saabsan CADAADISKA iyo natiijada ka imaan karta marka lagu mashquulo dhaqanxumo leh ixtiraam la'aan, dad danqin iyo qoys burburin.

Warsidahan wuxuu kuu sahlayaa inaad hesho macluumaad iyo ilo xog-leh oo kaa caawina sidaad uga hortagilahayd cadaadis iyo is-dhibaateynta qoyska ama aad gargaar u raadsan lahayd.



Noocyo Cadaadis

1. Cadaadis jir-dil
2. Cadaadis galmo iyo ka faa'iidayasho galmo la isu isticmaalo
3. Dayacid
4. Cadaadis nafsiyan iyo dareen-danqis
5. Cadaadis dhaqaale iyo maaliyad

Xeerka Dembiyada ee Canada wuxuu qe-exayaa sharci ahaan natiijada ka dhalan karta dambiyada cadaadiska qaarkood sida gacan-saar, kufsi iyo dembiga isku-xadgud-gubka ah.

Sanadahan dambe, Xeerka Dembiyada waxa lagu kordhiyey is-beddello dhowr ah oo adkeeynayo sharciyada la xiriira cadaadiska lamaanaha is qaba. Waxa intaasi dheer gobollo badan ayaa meel-dhigtay sharciyo khaas u ah is-dhibaateeynta qoyska kuwaasoo sii kordhiyay tabaha difaacyada sida ka-hortag deg-deg ah ee dhibbanaha ka joojiya cadaadiska. Sidoo kale, waxa la fuliyay tallaabooyin banneeynaya in booliiska meelkasta uu maamulkan ka joogo kusoo oogikara dembi cid kasta ee dhibkasi geysta.

Warar intaa ka tifaftiran, fadlan la xiriir websaayt-ka Caddaalad Kanada:

<http://www.justice.gc.ca/eng/pi/fv-vf/about-aprop/index.html>

Dembiyada Dacweyn Keeni-kara

Xeerka Dembiyada ma laha gefaf u khaas ah “ku-xadgudubka qoyska”. Hase yeeshee, qofkii wax cadaadiya waxa lagu qaadi kara dacwad ayadoo loo cuskanayo Xeerka Dembiyada sida hoos ku qoran:

- Xadgudub jirka wax-yeelleeyo
- Xadgudub galmo ama galmo hub loo isticmaalo
- Xadgudub galmo jirka wax-yeelleeyo
- Xadgudubka u-gabbasho si qof loo wax-yeelleeyo
- Hanjabaad lagu dhawaaqo, ka beensheegid ama cabsi gelin
- Ku xad gudub awaamirta maxkamadaha
- Isku dayid dil ama dil naf-goyn ah

Cawaaqibxumo Ka Imaan-kara

- Mashaakil lagala kulmo sharciga (dembiilenimo in lagu diwaan geliyo)
- Shaqa la'aan dheerata (qoyska oo loo awoodin waxay rabaan)
- Qoyska oo kala guura ama furitaan dhaco
- Ixtiraamka aad ku lahayd bulshadaada dhexdeeda oo kaa dhuma
- Laga yaabee carruurta ineey adiga kaa barato xadgudubka
- Inaad is-disho, wax-yeellayso qoyska ama naftaadaba ay suurtagal tahay
- Walaac, murugo iyo in lagu musaafuriyo

Dabeecadaha Cadaadiska

- Maan-dooriyayaal sida khamriga, qaadka iyo daroogada oo aad badsataa waxay keeni karaan dabeecad leh gardarraysi
- Ineey kaa muuqato naxariisdaro, daryeel la'aan, xukun-jacayl qoyskaaga
- Hanjabaad inaad dhaawacayso qoyskaaga ama naftaada ee la timaad
- Xaaskaagoo liiddo, xaqirto ugu hanjabto inaad ka tageyso haddi ayan ku adeecin
- Inaad dayacdo baahida qoyskaada
- Inaad xaaskaaga ku keliyeeyso mas'uuliyadda korinta carruurtiina
- Inaad go'aamiso xalka arrimaha qoyska adigoo kala tashan xaaskaaga
- Cabsi aad geliso xaaskaaga adigoo u muujinayo xanaaq iyo ixtiraam darro
- Xaaskaaga aad ku khasabto galmo ineey kula sameyso
- Inaad xaaskaaga u diido ineey aaddo dugsi ama aay yeelato xirfad shaqo
- Inaad xaaskaga ku cadaadiso arrimaheeda u gaarka ah sida dokumentigeeda sharciga, maaliyad ama waraaqaaha socdaalka warqadaheeda, email-ladeeda isla markaana ilaaliso sheekadeeda taleefoonka oo aad kor meerto adigoo fasax ka haysan

Waa Goor Is-beddel Dhaco.

Waa Goor La Joojiyo Dhibka!

Dabeecadda cadaadiska waa wax la door-bido. Dhaqdhaqaaqyada dembiilaha sameeyo ma aha mid si kam'a ku dhaco. Maadaama cadaadinta ay tahay wax la door-bido dembiilaha wuxuu dooran karay inuusan dad cadaadin. Dabeecadda cadaadinta waa mas'uuliyadda keliya ee cadaadiyaha. Ma jiraan wax dhibbanaha uu sameeyo ee keeni kara ama kordhinkara dabeecadaha cadaadinta. Marna ceeb ma aha in gargaar la weydiisto.

Gabay Soomaali

***Rag waa nimanka xaasaskooda
u dabacsan ee daryeela***

***Waa xurmo saafi ah oo naxariis leh
...ha dhibaateyn***

Si naxariis leh u xajji

Xarrago kula socio

***Kii aan nabad kula dhaqmin...
dhibaata u dambeeysa***

***U hoggansan xeerka yaadan xabis ku
dambeynine***

**Oraahyo hiddo iyo caado ah
SAWIR/MUUQAAL**